

潛

研

堂

詩

集

潛研堂詩集卷二

嘉定錢大昕

竹枝詞和王鳳喈韻六十首

練祁秋漲接空濛望裏微茫是海東短棹遠衝煙樹外

綠蓑漁子話鄉風

宋寧宗嘉定十年知平江府趙彥櫺提刑王紫請割崑山縣之安亭春申

臨江平樂醴塘五鄉置縣以練祁市爲治所練祁水名也宋吳惟信泊舟祁川詩片颿屢捲暫停船東望微茫接巨川元陳達觀遊練水詩短棹遠衝秋色裏

彈丸城小只如鄉繞郭春流匹練先僻左自來遺跡少

圖經空識府君莊

莊府君墓在澱江門南相傳土人掘得墓石云府君諱泰咸通三年葬崑

山縣東一百里伍家岡身橫渥水西八十步

麗譙蓮漏急相催背郭層樓面面開夜半鐘聲驚客夢

應奎山上月華來

鐘樓在城東南隅應奎山在儒學前

紺塔峻嶒枕水湄昇僊臺下短篷移蒼松翠柏天台路

可憶高歌擊楫時

王可交華亭大移居白鶴江以耕釣爲業一日樵舟擊楫高歌泛江歛見

中流綵航載七道士呼可交登航謂曰汝好骨相合爲僊與之二栗食之甘如飴命黃衣送上岸但見峯嶺重

復松柏參天乃在天台瀑布寺前今昇僊臺故址在青龍寺塔西

活潑風度自超然烽火催歸海上船吟罷看雲滴露句

不知蘿月落平川

王達江陰人避亂青龍江上顏其室曰蘿月山房逢有詩云病就山中隱

烽催海上舟又云看雲暮影齊巾角滴露春聲落枕凹

海運乘風快使颿千夫長各署頭銜何人爲仿官師例

也補顧名勒翠城

楊榘字伯機嘉興人官松江嘉定等處海運千戶曹某常熟人官嘉定等

海運副千戶遷海運副萬戶黃潛俱爲誌墓見黃文獻公集

徵歌曾費錦纏頭檀板家僮唱石州好事沈郎今不見

曉風殘月且歸休

安亭有二沈氏晉時有沈元壽者慕宋柳耆卿之爲人撰歌曲教僮奴爲

俳優以此稱于邑人見歸有光撰朱肖卿墓誌

柳條拂浪水平磯一片清光漾落暉遙指幽人結廬處

風清月澹半開扉

元王子昭詠練川詩芹苴遊土抽白玉柳線拂浪搖青金又隄旁有人新

結廬軒窗瞰水宜幽居風清月澹堪娛樂笑掬滄浪纓可濯

渺渺張騫槎畔煙茫茫黃歇渡前川滄桑閱盡恒沙劫

不信還畱鐵力船

槎浦俗傳張騫乘槎處黃渡一名黃歇渡攷郊廬水利書有大黃肚浦小

黃肚浦後人說肚為渡乃以春申君姓傳會之明嘉靖
初邑人沈東津宅後掘得鐵力木船一蓋朱清張瑄造
舟海運時所遺

耆德爭推中隱堂科名父子破天荒清修謹勿因人進
傳與當官一瓣香龔明之中吳紀間會大父諱宗元字
龔明之中吳紀間會大父諱宗元字
龔明之中吳紀間會大父諱宗元字
龔明之中吳紀間會大父諱宗元字
時范文正公為帥改容禮之曰公器業清修它日必為
令器謹勿因人以進曾大父敬服其訓又云曾大父自
都官員外郎分司南京謝事家居建中隱堂與尚書屯
田員外郎程適太子中允陳之奇相與從游日為文酒
之樂二公皆耆德碩儒致
政于家吳人謂之三老

移栽盆樹綺窗妍截得筠筒手自鐫花鳥徐熙山馬遠

無人知是小松傳

朱雅征號三松善仿名畫翦盆中花
樹朱纓號小松善雕刻竹器三松小

松之
子也

離披雨笠與煙蓑款乃聲聲放棹過一自樊川曾夜泊

至今清露白雲多

杜牧吳淞夜泊詩清露白雲
明月天與君齊棹木蘭船

牡丹頭小撥輕橈兀坐低頭長日消行徧九行十八鎮

櫂歌聽唱雨瀟瀟

牡丹頭
船名

楓染秋林葉葉丹斜紋衫薄惹輕寒野田黃雀飛將宿

月上蘆花白一灘

斜紋布可製衫黃雀
西鄉多有之味美

莊嚴佛像泐堂供五粒松枝翠影重怪雨淙淙風瑟瑟

夜深疑化作蒼龍

西隱寺古佛元時新安巧匠洪海雲
所造寺有羅漢松二株係三四百年

物葉方講詩畫鳴風瑟瑟
晴怪雨淙淙今皆無存

叢殘詩碣倚墳垣姓氏傳譌竹素園記否嚴陵投贈句

南窗家世本蘇門

集僊宮有元人石刻詩首題詩寄集

天歷已巳夏孟書于練庠冷齋南窗煉師者集僊宮住

持提點冲靖守正凝和汾師孫應元也故詩有煉師蘇

門僊丹竈煮白石之句韓浚嘉定縣志載此詩題云寄

集僊宮葉煉師案續吳錄云嘉定之集僊宮宋嘉定十

七年道士葉子琬建子琬為兩街都道正賜號

冲妙大師此詩作于元天歷中不得與葉同時

花朝二月雨初晴笑語相將北郭行折得細桃剛一朵

小鬟偷壓鬢雲輕

俗以二月十二日為花朝城西北隅多桃花

刺眼繡花細細開陌頭女伴踏歌來燒香纔罷遊園去

延綠軒前薄相回

城隍廟後園水石亭臺最勝中有延綠軒俗呼嬉遊為薄相

辛苦吳郎髮早衰誅茅曾此傍江湄輕陰細雨東風軟

又是梨花瘦盡時

宋吳惟信字仲孚湖州人寓居白鶴江有詩云白髮傷春又一年閒將心

事卜金錢梨花瘦盡東風軟商略生平到杜鵑

橫塘縱浦水滌洞吉貝花鈴兩岸開朶朶提囊看伯蘭

急攜花籠捉花來

木棉一名吉貝花房曰花鈴花大者曰提囊收花謂之捉花邑人稱木棉

花止稱花者猶洛陽之牡丹也

漁燈橫照藻波明插藕編蒲岸岸平沙裏鉤來鄉味好

絕勝糖蟹與糟螯

沙裏鉤蟹屬以沙中鉤出故名

菜圃瓜畦拓百弓杭家邨北夕陽紅棟花倒覆三間屋

酒幔低垂十里風

杭家村在顧浦西明巡撫周文襄忱嘗微行至此土人因名曰周公邨

澹沱湖光漾晚曛龍船戲水綠汙汙丹沙書就符教佩

蕙帳涼風夜辟蚊

五月五日看龍舟競渡丹沙符佩之辟蚊

橫斜藻荇鏡中涵洗盡浮雲天蔚藍煙際幾番回勝竊

耀歌聲入滙龍潭滙龍潭在儒學前

白鶴江邨吹乳厖白鶴江水射船窗罨師舉網日薄暮

定有四鰓鱸一隻白鶴江在縣西南有白鶴邨

病瘡唐生果怪哉流連時命亦堪哀胸中磊塊難消得

日飲無何且百杯唐欽堯荅友人問疾書僕之賤恙雅與眾異宅人病瘡多氣亂僕茲病瘡

轉神清就枕之後一念感慨心雄萬夫應制之撰述面

君之議論原祖宗之綱紀究膺社之安危廷諍干言具

有條理乃遂蕩清宿惡扶植天常明揚幽沈剔抉淫蠹

事已就緒謝政東歸素願大慰則夜已過分以此疾不

知當屬何門而治之當用何藥也承兄愛厚輒述病原

觀畢便擲還小僕勿令世人知有此怪症也見歸太僕

集

黃姑遺席傍江涯
膜拜紛紛乞巧兒
聞說金匳曾劃水

晚風蕭蕭捲靈旗

中吳紀聞崑山縣東三十六里地名黃姑古老相傳云嘗有織女牽牛星

降于此地織女以金匳劃河水湧溢牽牛因不得渡鄉人異之爲之立祠

依依墟里散炊煙
短短芭籬帶晚川
黃葉西風鹽鐵路

布颿一半販花船

鹽鐵塘吳越王運鹽鐵處

沈司徒席夕陽沈
趙四官墳蔓艸侵
沙浦潮兼桑浦急

腰涇水比界涇溪

沈司徒席在婁塘元至正六年建趙四官不知何人有墳在腰界涇二水

之閒沙浦桑浦二水名

綠樹依微繡幕圍
平橋細雨正霏霏
菜花開後梅頭出

麥浪翻時團尾飛

梅頭魚名團尾鳥名俱出高橋

一簣閑園近石岡青蟲網戶弄斜陽恰宜消夏浮朱李

亂打新荷雨氣涼

石岡在澄江門外龔方伯錫齋別墅在焉程嘉燧石岡園雜詩竹風荷澗

北雨氣石岡南又同唐婁二兄遊石岡園詩林晦

今朝雨荷鼓昨夜風客來無酒掃網戶有青蟲

鴻驚鵲鵲任往還野田雨過瀉潺潺江北公無多路

記取儂家相見灣

劉家河古婁江也有相見灣

期願堂下綠凝苔垂白牙緋拜賜回九十年華彈指過

有人曾識壽星來

吳郡志龔明之字希仲居崑山黃姑別墅他期願堂日飲其間中吳紀聞

予年二十時與鄭君聘應求同在郡庠應求精於人鑒

語予曰吾友乃一壽星然亦可銀瑯瑤後七十年予始

拜牙緋之寵

菱角青青荳莢黃秋成風候未全涼老農屈指稻將熟

下馬試看烏野香

烏野香下馬看皆稻名

天僊古街繞清渠鹿眼編籬密粟疏紅蓼白蘋秋色好

分明畫出野人居

吳轍字中行台州人元末避亂而濱後徙清浦里之天僊衛

後徙清浦里之天僊衛

水面懸芎香額多掀頭船子晒漁蓑斜陽一帶平蕪岸

依舊松江落葉波

白居易望海詩震澤平蕪岸松江落葉波

沙外平沙邨外邨黃墩東望是雷墩吳航販取秋瓜衣

柔艣伊啞劃水痕

黃墩在縣西南二十里雷墩在縣西南五里產西瓜最美

墊巾樓下雨如絲點水蜻蜓故故遲記得新安老處士

松濤竹露醉題詩

墊巾樓程嘉燧故居嘉燧有詩云曉案晴光研竹露夜點明月煮松濤

曲条寒塘鴈齒橋澹黃楊柳影迢迢扁舟載酒江湖杳

好趁初三十八潮

楊柳橋在十四都初三十八潮最大

走馬塘邊下釣綸青龍江水渙潛鱗蓮衣褪後秋風緊

開徧餘花四葉蘋

走馬塘在縣東南青龍江在縣西南相傳吳王造青龍戰艦於此

齊公卓錫闢榛蕪疏癭天然冰雪軀怪得邨氓爭布施

不知曾見鶴飛無

中吳紀閭崑山縣臨江鄉有南翔寺初寺基出片石方徑丈餘常有二白

鶴飛集其上有僧號齊洽師者謂此地可立伽藍即鳩

財募眾不日而成因歎其徒居焉二鶴之飛或自東來

必有東人施其財自西來則施者亦自西而至其宅皆隨方而應無一不驗

月明往事重堪悲殺氣東來偃將旗故壘西風魂斷處

不知誰唱輓歌詞

晉書袁山松出遊輒令人唱輓歌時謂道上行殯後爲吳郡太守守滬濱

壘為孫恩所害嘉定縣志作袁崧誤合山松為一非也
元楊瑀過濱壘詩其向月明悲往事即今滄海已塵生
外岡西太是儂家數畝清陰落照斜一扇柴扉容叱犢

半颿漁艇慣撈鰕

外岡在縣西十二里又西五里為望僊橋市

莊濱南與練祁陽一道平波跨石梁願浦待潮天欲晚

田居冷僻侶僧房

望僊橋跨願浦上余家在其西右為莊濱左為小練祁鄭宣水利書載松江北岸自北陳浦東至海口有大浦二十條願浦其一

也願發有待潮願浦宿耕者張欽舍詩載崑山稌詠

三椽老屋薛花斑只少谿南數尺山試上望僊橋上望

玉峯翠黛有無閒

登望僊橋可見崑山馬鞍山頂

半塍黃豆半青秧花藥園邨竹遶岡河射角時勤夜他

商量算負好秋光

藍靛俗呼青秧

笠澤江聲接杳冥一雙白鷺立沙汀望中點點如螺髻

數徧雲間九朶青

吳淞江一名笠澤九峯在其南

潮聲半夜滿寒塘銜尾中流到海航載得黃魚白鯊至

閩鮮一路賣沿鄉

俗呼海魚新鮮者曰閩鮮

膽瓶換水貯清漪月下鐙前影倒披羅漢松青天燭赤

輕黃夏閤蠟梅枝

新年瓶中插花如蠟梅天燭羅漢松之類

茅柴壓酒最清甘醉踏郊原春色酣黃艸鞦輕棉布暖

生來不識上山蠶

涼鞦出新徑取黃艸織之邑不宜蠶人家皆種木棉作布

餽餽粒粒滿盤盛正月人家未出耕鐙火夜闌喧小婢

鍼姑細語聽分明

正月鐙時迓鍼姑

婉兮并角亦多姿上學初從句讀師粗記神童詩一卷

聰明傲煞牧猪兒小兒上學讀神童詩千家詩三字經之類陸放翁所謂都書也

木龍漿薄抵輕冰橄欖瓜甜蔓細藤燕子春來抽燕筍

魚苗秋老放魚鷹取木龍子磨作粉夏月會之名涼粉撒攪瓜西瓜別種出外剛燕竹以燕

來時生筍魚苗俗名魚秧近太倉人家多畜之魚鷹俗名水老鴨

巨螯團圞認雌雄手縛寒蒲教短童頗羨楊涇老漁者

一年活計緯蕭中楊涇蟹最美味云雄蟹捨不得螯雌蟹捨不得腳

激灑銀河低玉繩嬋娟弦月挂西廡舟移畏壘亭前泊

遙憶書帷障蠟鐙畏壘亭歸太僕有光讀書處

木棉花黃蝴蝶飛木棉花白豆葉稀木棉收盡軒車鬧

紡得黃紗製妾衣

艸冷煙清一望平錢門塘上掩柴荆簪鏝細細鳴梭急

好和疏籬促織聲

錢門塘市出布

生泔醞醖出新筓令節分冬一醉休怕見三朝迷霧重

裘繇徑寸暖于裘

冬至前一夕飲酒謂之分冬酒諺云三朝迷霧刮西風

蜜餠糍團和粉餽九斤爛煮大場雞宵來送歲還迎歲

齊換宜春帖子題

三黃雞出大場重至九斤元日題宜春二字于門

蘆簾紙閣好盤桓煙篠風蒲水面寬合喚漁兄與漁弟
柳陰濺處下筠竿

望僊橋

傍水低低屋穿橋小小船潮來從願浦煙細認安亭種
豆青攢筴收棉白拆鈴邨邨歌歲稔樂矣返柴局

滄浪亭

蘇君咎寓蘇傍水小亭建清風明月佳買斷錢四萬誰

云傲骨屯自取兼山艮竹翠穿日光窗青延野蔓

日光穿竹

翠玲瓏野蔓盤青
入破窗皆子美句吟詩寄歐梅餘子母我恩平生金石

文委積塵一寸那知謫焰息聲名出塞鈍翻令後遊人
到此適所願前孫與後章棄置勿復論清兮滄浪水濯
纓來者勸

擬田家詞

學稼數十載不入城市門
婚嫁早已畢含飴聊弄孫
幼孫六七齡岐嶷亦可人
問之讀何書孝經與魯論
大意雖未曉句讀粗能言
向母索棗栗畏翁卻復前
撫景忽長喟忽憶翁少年
此景難再得回首心茫然

寄邵高二秀才

寥寥旅鴈尙南征
每對西風百感生
孤客途窮還臥病
天涯知己苦關情
持竿雨後思高鳳
種圃城東羨邵平
何日一樽重話舊
夜窗挑盡短長檠

訪顧上舍邨居

五載曾爲客
重來訪舊游
麥青纔覆雉
沙淺不驚鷗
鯉

葉參差市驪橋遠近舟比鄰如可約還往儘風流

題次吉兄赤壁圖

月射烏篷岸岸明揭衣絕巘上頭行危巢夜半驚棲鶻
知是當年長嘯聲

崎嶇石磴足淹畱如畫江山一望收絕壁登臨應爽快
笑它二客未風流

擊筑行

朔風蕭蕭翻地軸燕南酒徒盡擊筑壯士一時怒瞋目
平生不識秦舞陽殺人如麻人莫當須臾色變何倉皇
秦廷劍光飛不起青銅柱裂白虹外輕身一擲長已矣

君不見博浪飛椎椎折軾下邳圯上無人識大索十日
索不得

子房全身卒能報韓
悲荆卿之不能也

閏七夕

戊辰

又是秋河絡角時停機重把韞羅移多情葭管灰偏剩
解事蓮花漏較遲兒女穿鍼翻舊樣詞人乞巧換新詩
素娥此夜知遙妒不放金波萬里垂

是夕
無月

漫成六首

說詩解頤匡鼎問事長頭賈逵汗青一時未了艸元後
世誰知

坐客青睞白眼名士大兒小兒搥鼓三通古調詠懷百

首新詩

風裏登山落帽雨中出郭挈市將鬚欲臣老子伸足不
識故人

乞米平原有帖移家東野無車聊復中之美酒且往觀
乎異書

巨口鱸魚秋美長腰粳米冬春新拓三椽老屋恰對五
粒小松

宅畔雞頭鴨腳生涯蟲臂鼠肝寄貲斷無錄事送菜可
有園官

用昌黎會合聯句韻送王昌齊先生歸海虞

朔雪凍瑟瑟懽懽寒氣重王鳴盛先生懷故園浩然歸
計勇王昶冷雪武邱凝秀嶂虞山簪錢大昕裘輕僕無
痛飄舉浪猶湧曹仁虎養疴公志便問字我枕壅鳴盛
結添卜商衣履曳原憲踵昶叩鐘聆噲咍帶經鉏畝墜
大昕游嘗昇輿從學歎望洋恐仁虎嗚呼文教衰流傳
多繆種鳴盛七畧誰囊該九師空襟冗昶弔詭卜火珠
荒誕搜汲塚大昕衮衮逐積瀾紛紛博世寵仁虎先生
筦道樞詞林佗梁棋鳴盛砭俗論必嚴匹古意未恂昶
覃思韓元造購籍損官奉大昕幽鍵啟突奧銛斤斲拳
腫仁虎十道九域接三篋百城擁鳴盛當其舁臺遷屹

然白簡捧飛默默噴寒蟬啾啾嘲羣蜚大昕正色排娣
嬰直筆刺微僊仁虎然犀燭罔象伏弩射闕輦鳴盛獨
立仰丰規先鳴振錫罍飛乃知一士愕足令千夫悚大
昕旋解紫綬還閒雍碧艸昔仁虎酒兵整鞬勒騷壇集
球琪鳴盛遂初欣歸吳耽榮恥得隴飛吾谷峯嶙嶙尙
湖波溶溶大昕閉身侶鷗鷺塵鞅脫桎梏仁虎五年主
講席詩禮誠發冢鳴盛教比時術蟻文喻吐絲蛹飛執
經紆矩步解惑快曲躡大昕情愴驪駒歌令紀鳥獸翫
仁虎往矣冰蹙紋來思花坼甬鳴盛佇立望河干霜風
浩呼掬飛

間金川平定喜而有作

西南絕徼漫傳烽命將專征出
九重閭外建旄麾鐵
騎軍門推轂賜黃封雲連壁壘龍蛇陣日閃旌旗茶火
容聞說如山號令肅六師枕席過巴庸

元戎出塞陣堂堂制勝遙承
席算長島道千盤朝縹
馬龍韜三畧夜封章電矛雨矢軍威壯雷鼓風旗士氣
揚聞說蠻方今納款亟銷鐵甲事耕桑

桃林重疊賞元功廉李威名出禁中長子帥師期盡敵
大君懿德載囊弓笳簫夜靜三更月鼓角春閒萬里
風勒石橋門重紀績奎章百丈氣如虹

秋柳次韻

極目長條更短條，永豐西角最魂消。
渭城舊恨歌三疊，白下新愁送六朝。
零落夜烏嗁轉急，蕭疏客鬢話無聊。
春來縱說輕離別，尚有濃陰拂畫橋。

歸家

刺促何堪道生涯，逐布輿高堂將白髮。
游子尙青衫短，樂愁韓愈長竿笑。
阮咸歸來斲黃獨，託命手中鏡。
數點灑塵雨，新涼亦復佳。
著書翻鄴架，沽酒壓茅柴。
有羊何契相於簞笠偕，天涯少知己不用做青鞵。

舟行

棹入煙蘿裏幽探願不違共知濠上樂漸息漢陰機柔
觴謳鵲語閒鷗撲鹿飛坐看林際暝猶有白雲歸

遠別離

扁舟破浪行布颿疾于箭紅豆盛羅囊相思不得見

尙湖夜泊

微茫雲水自萋迷平遠山光入望低唱罷竹枝颿盡落
孤篷殘夢尙湖西

秋日舟行

西風一夜生秋氣候清爽峯遠明餘霞林疏透微晃邨
煙細如絲水田平于掌出泉占旣濟虛舟利攸往漸聞

榜人語始知暮潮上鷗鷺眠不驚水石激成響忘機境
俱恬乘化意彌廣逝者亦如斯因之寄遐想

九日同潘璜谿陵叔子張策時王蘭成仝

木落鴈南下天涯各滯淫百年多病客九日故鄉心風
度高樓笛寒生別浦砧西山爽氣在無計一登臨

雪霽

平明雪初霽幽人此散步徐看朝暾升忽訝時雨澍青
山如新沐螺髻恰微露老樹影漸瘦陳根尙封固早梅
舒素萼暗香纔半樹疑是窈窕姿輕紈障逾嬌言尋小
僧寮蒼茫間古渡橋敲劣容足泥融畧識路隱隱鐘梵

聲靜聽得清悟跌坐憺忘歸不知日遲暮

贈翁朗夫徵君

緯蕭抱犢自家風薦牘頻看達
紫宮東國人倫歸郭
泰西京儒術數申公江湖載酒風流在耆舊論交意氣
同擬向君山來問字相從踏徧碧玲瓏

春日閑居

五畝城西路郊居賦若何鳥聲新雨過飄影夕陽多酒
熟人初醒詩成客解歌生來耽習靜閒坐說禪那

金山

方丈瀛洲路渺茫金山終古獨蒼蒼孤根自立何依傍

濁浪相排有抵當樹影只疑雲影幻鐘聲遙帶水聲長
中冷泉味誰能別且坐僧寮子細嘗

永濟寺

懸厓青瘦侶礚礚中有清涼十笏居六合山光凭檻入
大江颿影卷簾餘譚禪不契空行腳養病無妨且廢書
三載重過忙底事晨鐘送響只紆徐

雨花臺

說恣雨晏陀高風宛如眠坐久寂無人惟有松花落

懷曹來殷

忽忽三秋暮蒹葭況復殘涼颿一以至落葉洞庭寒我

友今多病相思獨倚闌因風寄消息中夜起盤桓
綠苔凝芳榭子建獨煩憂今夜西窗月懷人定倚樓天
寒租賦急歲歉稻粱愁辛苦江鄉夢郵籤有寄不

懷王蘭成

井梧撼撼下閒庭悵望同心隔遠坳舊雨祇今勞夢寐
三春曾此共飄零白沙夜月潮聲急紅葉秋山屐齒停
遙憶五苜雲正遠折麻何處寄芳馨

憎蠅

營營亂形聲散豆不可打
都瓦切從宋續降禮韻適從何處來會
須杖門者

別席

楊柳無端折笙歌有意留清言仍衮衮長路但悠悠細
雨兼花落歸雲赴客愁江淹黯然別南浦一扁舟

同王琴德曹來殷沙斗初張崑南泛舟游靈巖
山寺

申旦戒清遊極目路非遠橫塘流琤淙枉渚任回轉幽
賞心忘疲津逮境屢變弭棹入山中相於陟崇巘琴臺
旣清峻石廊復平坦緬懷晉時人餘華自流涵原荒走
麋鹿徑僻積苔蘚代往迹豈邈物移理空顯雍門操未
彈牛山淚先泣因之感古今徘徊遂忘返

幕宿木瀆吳企晉園亭

羲輪不暫駐夕景來陰崖沿途越修畛命駕登幽齋吾
友早遺榮相見愜我懷盍簪樂情話容剡升堂階坎習
激清蘊解化滋新荻以茲邱園樂況復聯朋儕迢迢月
初上千里無塵霾清輝長不減良覲寧愁乖素履貞无
咎同心道長諧願言崇令名相於游息偕

游天平山歷龍門白雲泉蓮花洞諸勝

夙宵慕臺尚散髮事登陟名山志遠游攜屐撥九域天
平況在邇蔥翠望不極屯雲生層岡蒙泉注巖隙壁立
石骨露峻絕苦徑仄梯空疑無路攀蘿若可卽行險心

惟亨仰止道自得理以湛寂超境與幽邃適卽此澹塵
慮奚自逃藪澤歲宴期重游眷茲山中客

訪上沙陸氏園居

尋芳信坦步徑行越故蹊名園在西郊不辭路逶迤自
田復之湖果得瞻巖棲水木自明瑟蒲稗相因依激泉
植疏援折柳樊新籬機忘魚鳥適地偏心神怡幽人托
肥遁衡門忘朝飢高風未緜邈軌躅良在茲我亦澹蕩
人寄興耽山茨相期沮溺耦開徑耕東菑

三十三山艸堂圖歌爲霽堂徵君作

前峯後峯石嶺屹千重萬重雲往還秋林滿睨楓葉丹

艸堂突兀當其閑主人乃是湖海客著作終年樂泉石
方瞳皓首冰雪顏恐是列僊天上謫暨陽城邊嵐氣濃
五畝之宅一畝宮說經勝匡鼎鑿穴師臺佟三 詔六
聘笑不應芒屨竹杖踏徧三十三青峯煙蒼蒼兮乍合
水澹澹兮生漪喬松蔽天以磊砢野卉裊露以華滋遙
岑出淩望不極惟見長江東下奔赴大海一氣磅礴無
端倪使人目眩色動而墜咨蓬萊在何所五嶽不可期
四壁臥游太癡絕撫琴動操徒爾爲何如艸堂卜築好
日餐蛾綠可娛老窗前皓月來如期階下蒼苔閑不掃
青山便是耐久朋息壤盟言悔不早我披艸堂圖爲君

試作艸堂歌安得誅茅開徑來傍山之阿從君艸堂晨
夕時相過

送吳企晉游黃山

黃山三十六杳靄望難分初日天都上峯峯皆白雲赤
松學道處嘯傲列僊羣亦擬支筇去鐘聲煙際聞

陽湖雨泊同諸君分韻得桃字

去去甌壇路孤邨繫小舸隄邊折楊柳竹外折細桃風
雨同鄉夢江湖對濁醪三更聽棹曲轉念客途勞

溧陽道中

溧溧平蕪野色寬林泉幽勝足盤桓疏隄燕語垂楊路

細雨春扶蓺藥欄地近洮湖沙岸長煙昏瀨水客颿寒
裏思入饌尊羹滑好著紅衣下釣竿

金陵寄內

春江回望路迢迢簫管秦淮空暮朝三十六鱗封錦字
澹煙疏柳白門橋

潛研堂詩集卷三

嘉定錢大昕

御試賦得指佞艸

五言八韻
得忠字

中天方遠佞小艸亦懷忠
匪手偏能指無心乃至公
孤標宜近日勁節詎隨風
自欲傾葵效全教滋蔓空
相依階砌畔影射棘槐中
賦性嗤蕭艾遭時異榷蓬
觸邪神才侶紀瑞歲冀同
聖代明良會欽茲勵百工

奉 旨特賜舉人授中書舍人紀 恩二首

俳優薄技擬枚臯給札金門 異數叨五色霏微承

紫詔十年蕉萃媿青袍登科仍許陪先進通籍何須謁

選曹小艸自來無遠志也蒙搜采到蓬蒿

趨承行殿謝恩齊冰樣頭銜紙尾題葵藿忽回初
日昭鸞鳩何分上林棲青綾被暖中宵擁紅藥花翻入
戶低卻笑杜陵誇獻賦五年纔得尉河西

吳越宮詞

婆留水淨了無塵腰鼓城堅霸業新握髮殿頭耽午睡
不應翻怒沃湯人

清歌緩緩惱人懷陌上花飛濕錦鞵一望浮圖如紺碧
不知破費幾金釵

枕來圓木肆勤勞宮嫗司夏各一遭蜥蜴沿緣油欲竭

君王曉夜飲麻膏

東院釵鈿十二行金櫻的的各含房錦綳貴子生來早
碧眼高僧獻玉羊

新添侍女直嚴更青絹輕幃夢未成曲宴胡琴纔弄罷
牆陰微度彈丸聲

擲筆波心膽氣驪匆匆除夕失歡娛當時應悔輕題句
一軸鍾馗擊鬼圖

帳前鋤鹿弄羣兒嬪御翩翩窈窕姿獨有才人吳漢月
練衣淺澹道裝時

麗春院子夜沈沈樂部更番奏雅吟怪底佛堂鐘梵歇

好催新月譜新音

龍蕊千金購海南眞妃稽首供精藍山僧不遇波斯客
一笑唐捐日本簪

一彈指頃願心微佛髻旋螺出禁闈多謝君王親合十
插天金塔榜黃妃

王次山先生輓詩

西臺眞御史東觀舊詞臣賦艸凌雲筆車埋當道輪平
生尙風義傲骨獨嶙峋辛苦遺孤在誰爲分宅人
掌夢巫陽杳催人鬼伯侵訃來猶恐誤悲極不成吟寥
亮山陽笛摧殘纍下琴半生知己感淒斷竟難禁

呈沈歸愚先生

通籍清華紫纓淡乞身歸老解朝簪文章巨手唐燕許
山水前盟漢向禽綸閣容臺譚故事赤城黃海入新吟
年開九秩身猶健獨樂依然戀關心

舊宅靈巖十笏安天畱耆碩領詩壇

御賜詩壇耆碩四大字

高承

沈瀛中霄露獨掣鯨魚大海瀾供奉拾遺光儀在椒園
竹里嘯歌寬集成不用求元晏帝製鴻文在簡端

絲竹東山閱歲時白頭重話

主恩私遂初久已辭中

禁清俸猶煩給度支層閣靜聽松籟遠平泉細譜藥苗
滋五湖煙水明于鏡好鑒蒼蒼海鶴姿

五月

五月秧鍼綠兼旬雨澤稀甌窶乾欲坼布穀暮空飛米
價頻年長田園生計非老農占甲子辛苦候荆扉

邵伯湖

澤國微茫長綠蕪薄游蹤跡感羈孤疏鐘夜火孟城驛
官柳長隄邵伯湖往日漂流悲鴈戶祇今村落足漁租
波光面面清子鏡得侶沙鷗穩宿無

寄內

徐淑偏工病潘仁未定居艱難千里別迢遞八行書已
負舖糜約能禁愁鬢疏相思應最苦酒醒夢回初

題翁霽堂徵君秋林覓句圖

四序天平分最好惟三秋秋高氣迴望不極滿林清籟
鳴颼颼遙岑明滅碧無數楓相經霜點紅樹彷彿江南
黃葉時煙邨漁舍斜陽暮中有詩翁臞而清扶藜散步
撥雲扃山空人靜參真悟無心得句如天成劃然蘇門
鸞鳳嘯千巖萬壑音泠泠君不見柴桑陶徵士采菊東
籬插簪蕊地偏心遠日夕佳吟向南山蒼翠裏君不見
吳興柳使君清詩五字妙入神寒砧北渚蘋洲晚隴首
西風木葉間先生吟卷嬾羣雅標格古今足比亞拄頰
長歌得意初定知十手爭傳寫憶昨相逢吳會問問奇

載酒每忘還疏鐘夜訪楓橋寺蠟屐朝看林屋山甘羅
城邊同作客話雨西窗樂晨夕天末鄉心白露溪河干
官柳寒煙碧示我小幀一尺餘吳裝渲染卻蕭疏分明
清逸倪迂畫貌出吟詩孟浩圖年來我亦因詩瘦滿腮
秋山重回首只合從君汗漫游欲向林閒掇三秀

憶內

薄寒疏雨睡蓐騰忽憶年時別緒增一幅水精簾未捲
遠山濃綠畫眉曾
方池菡萏葉田田斗帳溫磨應未眠別整雲鬟香霧裏
月明涼浸夜飛蟬

輕衫彈畫折枝疏屈戌終朝掩玉除一翦微風梳鬢影
滿庭河柳納涼餘

無心繡佛說禪那雨過閒階長綠莎屈指刀環知幾日
澹雲清漏落秋河

參橫斗轉夜闌干自試麝丸墨未乾爲寄新詩裁錦字
中央四角幾番看

匆匆書劒枉飄零水驛山程次第經君上高樓休望遠
銷魂官柳短長亭

辛未七夕用李義山韻

搖落天涯感別離幾番屈指數歸期懷人江上參橫後

聽雨夏闌夢到時西北浮雲秋望遠東南孔雀夜飛遲
那堪客裏逢佳節莫怪安仁髻有絲

淮陰釣臺

淮陰未遇日遺跡此河干洵有眞王相曾登大將壇藏
弓鐘室恨捲雪釣臺寒輸與嚴陵客忘機把竹竿

淮安弔褚不華

我登韓信城平野莽無際極目古戰場浩然足長喟嗚
呼至正年劇盜起如蝟衛公來石樓孤城手扞蔽指掌
悉兵形分壘扼地勢白簡飛風霜總戎爲短氣鐵頭援
已孤青軍氛夏熾鼓衰落日低矢盡空拳銳破賊滅賀

蘭嗟哉志不遂蒼茫大將星中宵竟隕地長淮怒浪高
豐沛浮雲逝招魂杳何之麥飯無陳祭不見清水塘
碑負肩謂余忠宣誰爲立專祠我將告具位元史稱軍興不華與余關爲第一

東軒相國七十壽詩

久登黃閣領簪紳後樂先憂在一身門第膏腴唐宰相
經筵啟沃宋儒臣骨清真有僊曹分事練還勝年少人
七十杖朝仍古制天畱大老展經綸

星軺銜 命出台階歷試勲名邁等儕畫戟森嚴兼使
相金隄鞏固定河淮行其無事休民力告厥成功慰

聖懷今日生申歌介雅東南老雅頌層皆

清口

黃河如奔雷驚濤走沆漭長隄東兩崖鬱怒激危響淮
陰地勢卑河身出其上三秋水稽天有識心惚恍清口
受全淮洪源故滾廣潄水以刷沙議自卬川防築堰塞
尾閘不憚糜內帑併力趨一門驚湍瀉萬丈浩浩雲梯
關二瀆相摩盪稍紓南顧憂且以助轉餉迄今讀遺書
摩畫若指掌成跡詒後人喟然起遐仰

清河道中

清晨北渡河破浪長風駛峭颿若飛鳥瞥眼無停晷撥

棹指中河邨落正遷迤依依垂柳絲隱隱炊煙起居人
倚遙隄柴門臨水涘鄰近八九家一闢成小市趁虛賣
魚蝦沿邨散雞豕地瘠少桑麻民貧戒浮侈潁河彫劫
餘安堵足喜來牟方有秋年豐未可恃努力護長隄
勿使蟻穴毀哀哀諸鴈戶忍令數轉徙

中河

東南歲轉漕海運道久廢長淮汴流上黃河路迢遞中
經呂梁洪洶湧浩無際冒險非長策各各獻大計鑿渠
洳溝始開道阜河繼我朝靳中丞持節江淮溼周歷審
地脈慷慨闢浮議渺瀰駱馬湖泉源納千派引之使南

行築隄以扞衛戕戕大艚來峭颿趁風利破浪不須時
截流占旣濟宿預逮下邳百丈銜尾至水驛經三千魯
齊泊幽薊遂令運租船踏浪若平地燭來溯遺蹤波光
正容裔想像經濟才倜儻竟誰嗣前陳禮與後宋禮鼎
峙鏐無愧敢告載筆臣采入河渠志

邳州

百里彈丸地傳聞古下邳孤城奚仲國衰艸石崇碑入
市魚蝦賤瀕河波浪危船頭青數點山色隱修眉

與周西陳孝廉分賦漢陵得長陵茂陵

金刀天啟入咸京扶義居然長者名三尺獨提游子劍

一杯險噉若翁羹
岱山雲起蛇先斷
垓下歌殘狗已烹
誰道英雄多嬾易
也能輟洗謝狂生

寶帳珠簾甲乙陳
樓居縹緲切星辰
浪傳阿母來青鳥
卻喜奇童對白鵲
鑿空徧通方國節
舞文幾積後來薪
長門枉買相如賦
不記當時金屋人

元史襍詩

一介相邀泛淥醪
角張未許嫁娉婷
南鴻一夜驚飛去
枉信人間有白翎

鐵券金符異代書
艱難王業未寧居
班朱泥水渾流在
莫忘君臣信誓初

凌兢瘦馬各銜枚
粘癰甌皮誓不回
傳語乃蠻諸部長
統軍盍喚可敦來

兀朱加葉總名邦
大將征西金鼓撾
百里沈檀香霧遠
軍門曉受算灘降

名王西北翦圭桐
萬里神京封事通
站赤星馳三百日
計程未到大安宮

歲賜平分五戶絲
蒼兒海子浸玻璃
冊妃尙主承新旨
忘卻揮刀蹋岸時

金章螭紐備藩臣
甥舅姬姜肺附親
歲歲江南分戶鈔
一時望闕拜溫綸

軍門獻策氣無前百戰勦名露布宣白馬朱纓朝突陣
霸州元帥破丹延

金沙灘險瀉灣濇飛度爭趨龍首關六詔一時分郡縣
軍威先已震烏蠻

微茫國語亡宣初關紐翻來屈曲餘傳是汾王新製字
詞頭休進畏吾書

雪山六月未流澌九渡河源度馬時終古乘槎誇漢使
幾人曾到及甘思

乃顏故地水滌涸漁戶千絲舉網纔進得巨魚剛九尾
無人知向肇州來

窮海淹留歲月徂風高霜落鴈飛孤金明池上彎弧客
曾見纍臣繫帛無

灑馬年年祀禮成葡萄細乳革囊盛如何太祝升神座
偷喚先朝帝后名

眞珠簾柙自重重織錦花紋肖御容擁護還憑龍象力
影堂人定聽鳴鐘

正殿朝儀集九賓兩宮竝御肅椒宸誰傳珠絡天家詔
別有趺上坐人

梵書白繖影團樂儀鳳雲和樂未闌游徧紅門城內外
官家親御綵樓看

金寶珠衣寵錫新
退衙夜宴酒千巡
花枝瞥眼渾如夢
空化鴛鴦會上人

名鷹文豹賜頻仍
一字真王封邑增
七寶玉書鐫上輔
頭銜未換薛禪稱

殿中宿衛早承恩
侍直還教近至尊
宣喚內庭催博進
衣香輕流餅茶痕

冰茶聯句

我讀桑亭經載稽忠惠
剗大所活泉半杓煎細茗
一旗狹吳志鴻江心汲
中冷雨前焙清雪大所碾
磨競八閩薑鹽晒三峽
志鴻冰茶防何年濫觴誌
某甲大所土窖

啟及時凌人供未乏志鴻腹堅紋已裂頭綱身新招大
昕取彼明月光配以驚雷英志鴻一片玉斲初百過湯
沸恰水火適既濟炎涼變一霎大昕雀舌凍欲含蟹腿
浮漸壓志鴻甌倩樵青擎椀任玉川呷大昕肺熱渴思
消齒冷酒徒狎志鴻兩腋散松風六角拋紈簾大昕火
宅生晨涼妙諦參梵夾志鴻吾儕嵇阮儔脫畧忘巾幘
西山拄笏看東華染塵插大昕花影亞檐牙波紋漾簾
柙志鴻譚高屈雕龍香熏浮睡鴨大昕滿貯玉壺清小
試竹爐添炭畝稍破除硫磺謝款洽志鴻寒泉浸瓜犀
涼颺扇蒲蕙大昕手弄月團香心盟白水畝志鴻鬪茗

會有期強韻好重押大昕

移寓

客居燕臺兩寒暑有侶澤雉游樊籠虎坊菜市三易寓
太住蹤跡風轉蓬我生倚著詎定在雪泥指爪隨虛空
重陽風雨倏又過俗車攜具何匆匆書籤藥裹手摒擋
邨夫子態與我同枳籬周遮當硯北繩牀曲景安牆東
舍後老槐恰兩本經秋樹影猶龍葱芻尼定巢久不空
侵曉輒語枝頭工主人兀坐風簾捲苦吟竊比寒號蟲
褚生季野吾執友褚鶴侶舍人與予同寓論文說賦相磨礪同心
竝命蛩負蟹容剗其此一畝宮化城暫生安穩想底事

落託悲途窮直沽紫蟹味不惡
涼日清醺時復中明朝
好約高陽侶醉鄉竟去從無功

兩頭纖纖詩

兩頭纖纖蠶繭絲半白半黑
楸枰棋匾匾膊膊春冰漸
磊磊落落亂石堆

兩頭纖纖指南鍼半白半黑
沙際禽匾匾膊膊落葉音
磊磊落落松柏心

山行

落葉風初定疏林艸未芟
晴雲溪洞擘返照亂山銜
僧院青蓮漏人家白木鐺
避喧空小住便覺隔塵凡

青龍橋

崎嶇卵石路延緣鴈齒平橋望渺然十里長隄虹影落
一灣淺碧縠紋圓午窗翠袖調笙地夜柵青帘鬪酒天
想像故園真在眼沿流只少楫頭船

香山月夜

來青軒外月迴出碧雲端穆穆金波滿遲遲玉漏殘疏
鐘諸界靜落葉萬山寒憐爾南飛鴈棲枝尙未安

靜玄園直廬卽事

別苑西郊外山腰蠟屐登重湖鏡面闊遠嶂黛眉層撲
被周廬近判花細字能小春風候暖幽澗未凝冰

潛研堂詩集

卷三

七

晝轉松濤響宵分月氣涼
格詩閑索句品字細焚香
吏隱真難判林泉此不忘
上方塔鈴語清韻落回廊

贈金鍾越孝廉

澆愁十楹侶淋灰絕妙詞
成大雅材風雪長安吟思在
寒驢重向灞橋來

三隱高人剩舊蹤家山作達是誰儂
酒徒尙有吳郎在

謂杉亭舍人

共話桑槐點黛濃

菜把多承地主恩圍爐輟腳共寒溫
清言擁鼻相酬和也勝投書光範門

鍾越寓東墅大史邸

送江蔗畦明府之官湖湘

天末郵籤幾十程
銅章綠髻吏人迎
山如宋迪圖中好
花到潘仁縣裏明
疏簾棋聲簾已捲
匡牀琴響月初生
平沙遠浦無窮思
贏得詩篇風格清

題諸艸廬贊善高松對論圖

古松在庭隅孤幹怡疑

入聲

立凜然歲寒姿霜皮圍四十

盤回鶴騰空蜿蜒龍出蟄入夜濤淙淙巡檐風颼颼其

根漱寒泉井渫可用汲相傳尚書第

項襄毅忠故宅

老屋松陰

晉嘉蔭垂至今計年百有卅先生此卜居七錄盈藤笈

懷鉛仰屋梁謝客閉戶展窗前支離變相於若素習空

齋寂無人蚪髯儼對指閒來折一枝聊代麈尾執妙義

忘言筌何用多旨旨皆間柴桑翁盤桓落景入眞逸居
華陽樓閣三層書杜陵四小株圓陰如覆笠東岡種百
枚雨過亦戢戢懷抱今古同清標誰能及伊予蒲柳材
龍門仰岌岌松高比如何可許阮生集

題曹夫人玉映樓詩集

字荇賓黃壘樓
孝廉之配也

薇露傳來絕妙詞松煤澹寫夏多姿風流詩格誰能侶
陳竊辛蕭王邵之

窗閒芳艸長于帶樓上青山曲侶睂

集中句

想見含豪風

幔底竹陰翠袖暮寒時

題王琴德三泖漁莊圖

管游三泖秋正暮涼波十里浮吳艤中流塔影插天半
突兀如建蓮花幢蒼茫葭薈望不極半篙淨綠流淙淙
漁人此時齊結網蜻蛉一葉張棹雙編算挾呂繫竿箝
扣舷樂甚歌無腔斜風細雨波不起時聽野寺疏鐘撞
前塵十載寄夢寐此意耿耿誰能降王郎湖海一奇士
潛夫佗論驚愚蠢清詞雅材追百五勁筆直擬龍文扛
風塵佗僚不得意便欲采藥尋老龐故園況在長泖上
三閔老屋開虛窗維摩十笏厖容剗恰喜面面當晴江
漁兄漁弟還往熟籬根那復驚花老有時一棹乘興去
繫纜好在枯楊椿背篷圓笠自攜取得雋往往窺魚砭

銀絲鱸膾味不惡痛飲且倒玻璃缸但見青芙蓉九朶
遠近出沒連空筵一聲款乃交唱和有侶等瑟壘簾櫳
人生所貴在適志年華晼晚同奔馳京國畱滯幾寒暑
登樓洵美非吾邦披圖舊游宛在眼浮家有約無虛哢
拂衣我亦竟歸去潞河南下挈輕舲葑中洞上好相待
可許主客圖成雙

題王受銘比部龍湫宴坐圖

我聞天竺諾矩羅尊者偶來震旦棲重巖其東南面臨
大海芙蓉削出青巉巖龍湫挂空五百丈散作飛雨何
兼靈蒲團人定此宴坐白豪五髻頭影影六椀間見都

寂滅齒冷饒舌徒詰誦誰與讚誦禪月老至今靈蹟傳
琅函王郎山水有奇癖平生嗜好殊酸鹹永嘉他客大
快意躡屐未要人扶攬初尋靈巖入古寺方丈四面圍
松杉揆奇濟勝興不已健步上下同磨礧大龍湫忽落
吾手懸流倒瀉衝空嵌有若白虹挂天半駿馬下坂脫
轡銜投梭激箭轉車轂霏絲卷絮堆球璫勻圓萬顆撒
璣璠連縣一幅垂旒綵廣陵觀濤駭雷雨洞庭張樂鳴
韶咸匡廬天都悵未見其餘下視皆卑凡津梁疲甚一
憩足百畔但覺音颯颯冷然清寒沁肺腑那憺霑濕青
蕉衫竭來燕市幾寒暑前塵瞥眴如驚颿閒提畫幘出

示我息壤有約神明監
幼輿祇合置邱壑客兒最愛窮
暫暑忘歸亭子堪小住
黃精細斲攜長纜西來大意參
慧業生天成佛毋譏說
宅年後游紀歲月題名重擬常
苗劄小龍秋有常
鼎苗振題名

送翟晴江同年還杭州

翟君逸才眞希有
往往新詩敵雙井
閉門日夕耽苦吟
百鍊還同金出礦
鵬鷗高秋獨控搏
驂驅天際能馳騁
竭來長安初會面
數載神交喜合併
曲江隄柳共撥春
夜雨檐花同說餅
一朝過我僂分手
片葉歸颿擊舵艚
詠茅好在屋三閒
負郭恰贏田十頃
但尋沙戶相逢迎

恥向朱門工造請家園風景況不俗處處蒹葭蘆蒲荇
南屏踏花手柳栗西谿釣雪腰客省江湖小集自足傳
那羨頭銜署臺省人生所貴在適意避俗快如啖脫輮
君今還山追禽向我亦夙志慕張邴何時過訪揚嘉橋
主客圖成清話永

聖駕東巡恭謁

祖陵禮成恭紀

在鎬王居壯于幽

祖澤貽迪光縣舊德繼序頌今茲

涵泥周原黼粉榆漢社基遂修時邁典重舉上陵儀

六校鳴騶從千屯控鶴隨柳邊回玉輦榆塞駐金支

納款通疏勒傾心逮月氏谷蠡泥首拜頡利捧觴辭鑿

齒雕顚侶前歌後舞時短簫朱鷺曲縈木白狼詩敖漢
峯回互伊松水渺瀰星隨行幄動月傍列營移石鼓
岐陽碣河宗漆澤陞天低圍大幕野曠建長麾恂辟呼
鷹掣云都試馬騎艾蘭虞候職舍芟夏官司長白連雲
峻升中望祀空高山彼佗矣列聖乃康之四七貞符
叶三千佐命姿瀾瀾宅新邑皋應度宏規原廟松楸
古橋山霜露思玉衣神宛在綃帳儉如斯祕殿藏
宗祏豐碑拓色絲戊辰烝祭歲丁巳戒賓期嚴具當
軒設鳴鐘進食遲東廂奏安世太祝告蕃禧莅政黃
金城班朝赤羽旗九賓瞻北極五位拱南離視膳君

主孝承歡 聖母慈推 恩真不置錫類總無私禮樂
神人洽隆平福祿綏慶成宜獻頌額手上 彤墀

送吳挹楓

落託將歸客牢愁送別時臨岐猶款款揮手尚遲遲著
錄晁公武評詩教器之西沽後夜月應照兩相思

題同年范蘅洲比部詩卷

籍甚才名范德機篋中秀句近來稀月泉社裏如相識
奪取陰麋百笏歸

家園好在賀家湖萬壑千巖入畫圖譜就竹枝翻古調
不教輕薄類吳儂

翼匡師伏有功臣經筭僂僂洵絕倫
剩有格詩如束篲還將慧業傲文人

竹蒙詩格最清奇

謂穀原比部

比舍聯吟樂不支
歷下弇山

詞客盡風流重見白雲司

題杜太守

甲

相馬圖

世閒何者真駢駟九方一太誰能求
驪黃牝牡且莫辨況從骨相論殊尤
杜公夙有王濟癖阜茨橋頭回玉勒
估畫常懸韓幹圖吟詩直偏少陵格
東郊風日當清和平岡沙淺艸滿坡
奚奴牽鞍者幾輩五花汗血高鬼義
一馬昂首意雄傑一馬回身工轉折
雙目晨批隴阪雲

四蹕夜蹴幽并月掀髯撫掌氣雄哉徑欲乘此游八垓
天生神物信有待坐令沙苑成凡材卽今燕南控大郡
紫綬朱駟肘鉞印牧民無改馭朽心不假鞭笞祇靜鎮
甘棠蔽芾邨邨栽行春五馬來山隈兒童驂篠走相告
使君自有雙龍媒

平定準噶爾告捷禮成恭紀一百韻

聖武恢三畧 皇講運六奇成功惟獨斷制勝在乘時
蒲海沙重沓慈山路險巖從來稱倔強自古厯羈縻者
定先猷遠威稜 祖烈垂洗兵幹難水飲馬木居潛繼
序思 皇考宣靈愴赫曦電矛明煜煜鐵騎騁駢駢解

綱邀寬典包蒙廓 聖規煙銷先祿塞成撤拂雲祠望
氣旄頭暗交爭蝸角岐控弦多不靖鳴鏑競相持遂有
瓜分勢真成瓦解危五原齊納款百部各陳詞贊謁呼
韓服朝正突利墮 龍顏瞻咫尺鴈序列逶迤食甚鶚
音革遷喬翬羽榮感恩咸蹈舞效力願驅馳枕席過師
穩山川聚米知阡危情正迫待拯踵方跂天意誠多助
宸衷決在茲非常承廟算定識破羣疑驚鸛堂堂陣
蛟虵正正旗牙璋諮典瑞竹矢問工倕燕頤元無匹龍
驤本不羈材官揮黑稍都尉夾長鉅鄉導諸當戶前茅
左谷蠡指撝驅阿跌籌策用烏黎獻歲旃蒙紀中星鶉

火移初消鹽澤凍漸解雪山斷兩路分鑣進曾峯入阻
采桺垂青冉冉艸長碧倚倚鼓角從天下旌旄市地麾
儲背雲晝護敕勒曲宵吹斥埃風無警飛芻士不疲懸
梯緣巔劣拔幟出屢屢聞說王師至還如化雨霽市皆
安帟幕農自樂耕耨羌女供華鬘僮童和竹枝官茶嘗
蠟面拘酒醉醇醕風定時間析沙平可畫錐受降來款
款慕德舞僛僛自是欽威信奚煩剗質劑投戈胥帖伏
折箠足鞭笞巴罕峯回互伊犁水渺瀰長驅猶破竹飛
渡自浮第壯士爭拔穴殘兵盡倒旂何曾遺矢鏃底事
缺鉢錡空幕巢鳥樂求林班馬悲兔投徒趯趯鹿走漫

伎伎五技真窮矣三軍果赫斯金牙擒賀魯赤谷縛昆
彌狶突逃無地鯨奔氣已衰渠魁施械杻苞蘖逮妻兒
去疾真能盡除殘靡有遺三年鬼方伐六月太原師在
晉猶夸大于今況倍徙氛霾激絕微掃蕩滌纖疵一月
聞三捷崇朝達九達摧枯堪比侶壓卵信如之寮案羣
加額 君王屢領頤如神歸 睿算用命在戎綏異數
施何渥酬庸賞不訾大勳惟豫順至德屢謙撝保泰恒
兢業承乾益儆咨明禋蒼蒼昊其祀展黃祇 列聖神
靈祐重光基緒丕孫謀念詒厥 祖武庶繩其弓劍
橋陵鞏球刀手澤詒戊辰書祝冊丁巳卜神著琴撫空

桑響卮當宥坐敬告成陳灼賚述德溯豐郊重廣尊

親義還明教孝思大安崇懿號長樂晉純禧鸞詔

頒三殿鴻恩溥八賁康衢頻擊壤編戶慶含飴振旅軍

容壯遙歸士氣怡山莊親駐輦曲宴各揚觴饌出紅

螺梳湯擎白雪飡芳醪浮鑿落抃七載畱犁上將橐鞬

服名王熊豹姿需雲占宴樂兌澤布含華紫微通千障

黃圖拓四維版章連漆齒正朔被長旆黃赤雙環極璣

衡六合儀土圭測分寸句股算豪釐豎亥東西步義和

昏旦推廣輪窮道里準望定高卑銅柱銘勲地橋門飲

至期摩厓鐫篆籀勒石負躑踔倬彼瞻雲漢昭茲拓色

絲湯盤孔鼎佗金檢玉符基天錫仁兼勇神符軒與義
六韜歸掌握萬里中機宜方畧疏圖炳編摹柱史爲高
文垂誓誥鉅筆染淋漓王會陳繇露昆侖貢織皮上林
栽苜蓿大予舞侏僂鴻業昌而熾明堂坐以治鐔歌擬
朱鷺願侑萬年卮